

BIILINUT INNAALLAGIAMIK INGERLATILINNUT IMMISSUTINIK ATUINISSAMUT NALUNAARSUINERMUT NALINGINNAASUMIK ATUGASSARITITAASUT

1. **Aallaqqaasiut taaguutillu**

- 1.1 Nukissiorfiit, CVR-nr. 18440202, Issortarfimmur 3, Postboks 1080, 3900 Nuuk ("Nukissalik") pilersuineramik suliffeqarfiuvoq nukissiamik ataavartumik atuinermik siammarterineramik suliaqartoq. Immiissutit taakku inunnit allanit Nukissalimmi kontoqartunit atugassanngortinneqarsinnaapput.
- 1.2 Biilnik innaallagiamik ingerlatilinnut immiissutinik atuinermut nalinginnaasumik atugassarititaasut taakku atuisut tamarmik Nukissallip biilnut innaallagiamik ingerlateqartunik immiissutaanik atuinernut atuupput. Nalinginnaasumik atugassarititaasut immikkut ataasiakkaanut isumaqatigiissutini atugassarititaasut ilanngullugit, biilit innaallagiamik ingerlateqartut immiissutaannik atuinermut ataatsimut isumaqatigiissutaapput ("Isumaqatigiissut").
- 1.3 "Atuisut" paasineqassaaq inuk Nukissalimmi kontomik pilersitsineranut atatillugu nalinginnaasumik atugassarititaasunik akuersisimasoq.
- 1.4 "Illuatungit" aamma "Illuatungeriittut" Atuisoq aamma Nukissalik, ataasiakkaarlutik ataatsimoorlutilluunniit.
- 1.5 "Immiissutit" paasineqassaaq atortoq (boksi) innaallagissap aqutaanit biilnut innaallagiamik ingerlateqartunut innaallagiamik nuussisartoq.
- 1.6 "Brik"-tut paasineqassaaq plastikkorti matuersaalluunniit, atuisup immiissummik atuisinnaaneranut akiliisinnaanerannuunniit periarfissiisartoq. Atuisoq ataaseq "brik"-inik nalunaarsukkanik arlalinnik peqarsinnaavoq.

2. **Atuisinnaatitaaneq**

- 2.1 Isumaqatigiissutikkut Atuisup Immiissutinik <https://webapp.nukissalik.gl/#/portal/locations> Nukissalik app-imiluunniit atorneqarsinnaasut nalunaarsorsimasunik biilimik innaallagiatortumik Isumaqatigiissummi atugarissarititaasut aalajangersarneqartut naapertorlugit atuisinnaanngortippaa.
- 2.2 Atuisut taamaallaat Immiissutit Nukissalimmi sanaartortullu tassunga malitassiai naapertorlugit atorsinnaavai, tassani malitassiat Immiissutini atuarneqarsinnaasut imaluunniit tassunga tunngasut. Atuisoq nalorniguni, Atuisoq Nukissalimmut attaveqarnissamut pisussaataavoq, tassanilu malitassiat tunniunneqarlutilluunniit innersuunneqarsinnaapput. Tamatuma ilaatigut, taamaannangitsorlu, Atuisup biilnik innaallagiamik ingerlateqartunit allaanerusunik, ikkuffimmut immiinernullu nalinginnaasunut Nukissiorfiillu nittartakkami quppernerani, Nukissalik app-imi imaluunniit immiissutini paasissutissiisutiqeqartuni ikkussinissamut pisinnaatitaannginnera malitsigaa. Atortunik allaanerusunik taamaattunik ikkussineq isumannaatsuutitsinerami aarlerinaatinik malitseqarsinnaavoq.

- 2.3 Atuisup atuinermi malitassiat unioqqutillugit Immiissutit atorpagit, Nukissalik Atuisup kontoanik matusinissamut pisinnaatitaavoq, taamaalilluni atuisoq Immiissutinit innaallagissamik atuisinnaajunnaarsillugulu Isumaqaatigiissut atorunnaarsillugu.
- 2.4 Atuisoq Brikimik atuisumut ataasiinnarmut atugassiamik nassinneqarnissaminut periarfissaqarpoq. Brikip inummut allamut tunniunnissaa isumaqaatigiissutip sinaakkutaasa iluaniissanngilaq. Atorunnaarsitsinermi isumaqaatigiissummilluunniit peqqissimisutigininnermi Atuisut Briki aserortissavaa.
- 2.5 Atuisoq Brikimik nalunaarsukkanik amerlanerusunik pinissamik kissaateqaruni, Atuisup tamanna pillugu Nukissalik ilisimatissavaa. Atuisup atortuutini nalunaarsukkat Nukissalimmi sullississutitut atorneqartartut tamaasa paarinissaat akisussaaffigaa.

3. Svisussutsit atorunnaarsitsinerlu

- 3.1 Isumaqaatigiissut Nukissallip Atuisup kontomik pilersitsisimaneranik uppersaanaeratigut atuutilissaaq, piffissamilu killiligaanngitsumi, illuatungeriit ilaata qaammammik ataatsimik sioqqutsisumik qaammatip naanissaanut atorunnaarsitsinerata tungaanut atuutissaaq.
- 3.2 Nukissallip taamaallaat Atuisup isumaqaatigiissummik sumiginnaanerani, suliffeqarfiulluunniit ingerlatsinerminut tunngasumik aalajangermigmat Atuisumik isumaqaatigiissummik atorunnaarsitsinissamik pisariaqartitsilernermit isumaqaatigiissut atorunnaarsissinnaavaa.
- 3.3 Atuisup siumut nalunaaruteqartarnermik piunasaqaat atuuttoq naapertorlugu isumaqaatigiissut atorunnaarsissinnaavaa.

4. Peqqissimisinnaatitaaneq

- 4.1 Atuisoq ungasianit tuniniaaneq aqqutigalugu, soorlu Nukissallip nittartakkakut qupperneratigut, oqarasuaatikkut allatulluunniit inatsisit naapertorlugit peqqissimisinnaanermut pisinnaatitsisumik Isumaqaatigiissuteqarsimani, Atuisoq isumaqaatigiissuteqarnermit ullut 14-it svisussusilimmik isumaqaatigiissummik pilersitsinermit peqqissimisinnaavoq. Atuisup inniminniinermini Nukissallip piffissap peqqissimisinnaaffiusup iluani tunisinini aallartissinnaagaa akuerisimaguniuk, taava peqqissimisinnaanermut pisinnaatitaaffik Nukissallip tunisinerata aallartinnerani atorunnaariissaaq.
- 4.2 Peqqissimisinnaatitaanermut sullississutit ingerlareersut atunngillat, tassunga innaallagiaq atorneqareersoq ilaavoq.
- 4.3 Atuisup peqqissimisinnaatitaanermut pisinnaatitaaneq atussallugu kissaatiguniuk, Atuisoq Nukissalimmut allakkatigut nalunaaruteqassaaq.
- 4.4 Pisorli namminersortutut ingerlatsippat, peqqissimisinnaatitaanermut piginnaatitaaffik atuutissanngilaq.

5. Atuinerup naatsorsorneqarnera

- 5.1 Atuisup aatsaat siullermik kontoni atorlugu isereerneratigut innaallagiamik atuisinnaasunngorlugit Immiissutit aaqqitaapput, tassani assersuutigalugu app-i Brikiluunniit atorlugu.
- 5.2 Immiissutit uuttuuteqarput, taassumalu Atuisut ataasiakkaat Immiissumik qanoq innaallagiamik atuisimanerat uuttortarpaa. Atuisup kontoa atorlugu immiissutinik atuinermi innaallagiq atorneqartoq tamakkerlugu Isumaqaatigiissummi uani atugassarititaasut naapertorlugit Atuisumut akiligassanngortinneqartarput.

6. Akit

- 6.1 Illuatungeriit atulersitsinermi akiliummik aamma/imaluunniit ingerlaavartumik attartornermi akiliummik akiliutit isumaqaatigiissutigisimappasigit, tamanna Nukissallip nittartakkakut quppernerani app-imiluunniit, Atuisup kontomik pilersitsineranut atatillugu Nukissiorfillu kontomik pilersitsinermik uppernarsaataani, Atuisup emailimut adressianut nassiunneqartumi takuneqarsinnaassaaq.
- 6.2 Nukissalik immikkoortoq 11-mi atugassarititaasunik allannguinermit aalajangersakkat naapertorlugit attartornermut akiliutinik atulersitsinissamut ataavartumilluunniit attartornermut akiliutinik allannguinnissamut pisinnaatitaavoq.
- 6.3 Innaallagiq Atuisup Immiissutikut atugaa Nukissallip piffissami immiinerup nalaani akigititai atorlugit akiligassanngortinneqassaaq. Nukissallip innaallagissamut akit atuutsitai sukkulluunniit uani takuneqarsinnaapput <https://nukissiorfiit.gl/kl/Atuisunut-sullissivik/Akiligassat/Akigititat>.

7. Atuisup pisussaaffii atuinermullu akisussaaffii

- 7.1 Atuisup akisussaaffigaa,
- (i) Atuisup Immiissutitut isersinnaanermut Brik-eqaruni, Brikip tamatigut isumannaatsumik illersorneqarsinnaasumillu paarineqartarnissaata, taassumalu allamut tunniunneqannginnissaa qulakkiissallugu,
 - (ii) Atuisup Immiissutitut iserniarnermi app-i atorpagu, Atuisup oqarasuaataani app-i isumannaatsumik illersorneqarsinnaasumillu parnaaqquteqarluni ikkunneqarsimassasoq, taannalu ammarneqarluni kodealuunniit oqaatigalugu allamut tunniunneqassanngitsoq, aamma
 - (iii) Immikkoortoq 13.1 naapertorlugu Atuisup Brik-ia aamma/imaluunniit oqarasuaataa app-italik tammarsimappat Nukissalik ingerlaannartumik nalunaarfigissallugu, taamaalilluni Nukissalik Brik-imik aamma/imaluunniit app-imik matusinikkut atornerluisinnaaneq pinngitsoortitsiinnaaqullugu. Atuisoq nammineerluni kontomik matusisinnaanermut periarfissaqaruni, Atuisup nammineerluni matusinissaa naatsorsuutigineqarpoq.
- 7.2 Immikkoortoq 3.1 naapertorlugu Atuisoq piffissami isumaqaatigiissuteqarfiusumi Atuisup kontoani innaallagiamik atuinermik sumilluunniit nalunaarsuummut Atuisoq akiliisussaavoq, tassani inuit allat Atuisup Brik-ianik app-ianilluunniit

atuisinnaangornera ilanngullugu, taamaattoq immikkoortoq 7.1(ii) tamanna sioqullugu Atuisoq Nukissalimmut nalunaarsimanera ilanngunagu.

8. Akiliinermi atugassarititaasut, akiliisinnaassutsimik naliliineq qularnaveeqqussiissutillu

- 8.1 Atuisup Nukissallip Immiissutaanik atuisinnaalinnginnerani, Atuisoq Nukissalimmut allatsissimassaaq <https://webapp.nukissalik.gl/#/portal/locations>. Tassanngaanniik atuisup atuineri ingerlaannartumik akilersortinneqassapput. Tamanna kortimut akiliummut ingerlaannartumik akiliisitsisarnikkut pissaaq.
- 8.2 Kingorna tunisanut sullississutinillu atuisup kortimik akiliutaanut akilertinneqarsimasunut tamanut akiliinermut takussutissiivimmik Nukissalik nassitsisassaaq. Tamanna Atuisup sullissinernik atuinerisa akiliinerisalu kingorna tamatigut pisassaaq. Tamanna Atuisup kortianit ilanngaassisimatsiarnerup kinguninngua Atuisup app-imi nalunaarsorsimaffianut imaluunniit Atuisup emailimik nalunaarsuisimaneratigut emailianut nassiunneqartassaaq.
- 8.3 Aningaasat Atuisup kortimut akiliutitut nalunaarsorsimasaanit akiliisitsinissaq pinsinnaangippat, Nukissallip akiliinerup nutaamik pinissaata tungaanut Atuisup Immiissutinik atuisinnaaneranut mattussinissaanut iliuseqarsinnaatitaavoq.
- 8.4 Atuisoq Immiissutinit innaallagiamik tiguisinnaajunnaarlugu Nukissalik Atuisup kontoanik matusinissamat, taamatullu Atuisup kingusinaarluni akiliinerani Isumaqatigiissummik atorunnaarsitsisinnaanermut pinsinnaatitaavoq. Atuisup akiligassaareersut tamaasa akilereerpagit, Nukissallip Atuisup kontoa ammaqqissavaa.
- 8.5 Nukissalik akiliinissamat eqqaasitsissummik nassitsinerminik akitsuusiinissamat pinsinnaatitaavoq. Akitsuut Atuisup tulliani akiligassaanut ilanngunneqassaaq. Akitsaqarnermi Nukissalik sukkulluunniit sinneruttunik akiligassanut ernialiisarnermut inatsit atuuttoq naapertorlugu ernialiisinnaatitaavoq.
- 8.6 Nukissalik akiliinissap kinguartinnissaanut akilersuinissamilluunniit aaqquissuusinermik isumaqatigiissusiorsinnaavoq, taamaaliortussaataangilarli. Nukissallip isumaqatigiissutip qanoq sivisutigisumik atuunnissaanik aalajangersaassaaq, tassungalu akitsuummik/ernianut tapiliummik akiligassannortitsisoqarsinnaavoq. Kinguartitsineq/namineq piumassutsimik isumaqatigiissut Atuisup sumiginnaaneratigut atorunnaarsinneqassaaq.
- 8.7 Nukissalik isumaqatigiissuteqarnermi kingusinnerusukkulluunniit Atuisup akiliisinnaassusianik naliliisinnaavoq, tassani akiligassaqarnermik ilisimatitsisartunit mianersoqqusissutinilluunniik nalunaarsuiffinnit arlaannaannulluunniit attuumassuteqanngitsunit paasissutissanik pinarnerit kiisalu pisariaqartitsineq naapertorlugu inummut paasissutissanik isumaginninnerit ilanngullugit.
- 8.8 Nukissalik isumaqatigiissuteqarnermi kingusinnerusukkulluunniit pissutissaqartumik Atuisup akiliisinnaanermik pisussaaffimminik piffissaq eqqorlugu naammassinissinnaaneranik isummernissamat pissutissaqaleruni, Nukissalik siumoortumik akileeqqusinissamat aningaasanilluunniit qularnaveeqqusiititsinissamat pinsinnaatitaavoq. Aningaasat qularnaveeqqussiissutigineqartut ernialersorneqarneq ajorput.

9. AKisussaaffik akiliisussaataanerlu

- 9.1 Nukissalik Immiissutini ajoqutinut amigaatinullu, biilinit Atuisup Immiissutini immigaaanut annaasaqarnermik nassataqartunik ajoqusiinernulluunniit akisussaavoq. Tamannali annaasanut akornusiinernulluunniit Atuisup malitassiat akimorlugit atuinerata malitsigisaanik akornusiinernut atunggilaq. Matumani malitassiani immikkoortoq 2.2 innersuussutigineqarpoq.
- 9.2 Nukissalik kinguneqaataasunik ajoqusiinernut sunulluunniit toqqaannangitsumillu annaasanut tamanut akisussaangilaq, tassani iluanaarutissanik kaaviiartitanulluunniit annaasat, paasissutissanik tunisassianilluunniit annaasat, Immiissutit tunngavissarititaasut malillugit atorneqannginnerisa malitsigisaanik annaasat, inummik allamik isumaqatigiissutip malitsigisaanik aannaasat imaluunniit sumiginnaanerit assigisaallu ilanngullugit.
- 9.3 Nukissalik annaasanik kipisoornerit, akornusersuissutit Immiissutilluunniit allanngortinnerisa malitsigisaannut akisussaatinneqarsinnaangilaq, aammalu sullissinerit makku nassatarisaannik pisunut:
- (a) Nukissalimmit teknikimut, iluarsartuussinermut ingerlatsinermilluunniit patsiseqartumik pisariaqartutut nalilerneqartut, imaluunniit
 - (b) Oqartussaasunit peqqussutit, tassani Nukissallip akornusiisinnaanernik killiliiniarnermini sumiginnaasimanera pineqartinnagu. Nukissalik Immiissutit ivertissuunneqareernernisa kingorna oqartussaasut piumasaqaataat malillugit annaasanut akisussaangilaq.
- 9.4 Ajoqusernerit pissutsinut Nukissallip attuumassuteqarfiata avataaniittunik patsiseqartillugit, Nukissalik Atuisup biilianut innaallagiamik ingerlateqartumut, taakku atortuinut imaluunniit allatigut aningaasatigut ajoqusernerit taarsiinissamat pissusaatitaangilaq, tassani makku ilanngullugit killiliisuutinnagilli: kallermik eqqorneqarneq, qarsutsinerit, ikullaattoornerit, sorsuunnerit, assartuinermit akornusiinerit sulisartoqarnermilu saqitsaannerit, tassani aamma suliumajunnaarnerit aammalu Nukissallip nammineq sulisuisa akornanni suliartoqquasiunnaarnerit aammalu suliffeqarfinni pilersuisuini, tassani Nukissalik suliffeqarfillu sullissisoq saqitsaannermit akuunera apeqqutaatinnagu, pissutsinut siumut takorlorneqarsinnaangitsunullu allanut tunngasut ilanngullugit. Taamatut pisoqarneranittaaq Nukissalik suliasamik isumaqatigiissutigineqartumik kinguartitsisinnaanermut pisinnaatitaavoq. Taamatut kinguartitsinermit suliasatulluunniit isumaqatigiissutaasup naammassinngitsoorneqarnerisa malitsigisaanik illuatungeriit imminnut piumasaqaateqarfigisinnaangillat. Pissutsit siumut takorlorneqarsinnaangitsut piffissami qaammatit arfinillit iluanni pippata, imaluunniit pisoq siumut takorlorneqarsinnaangitsoq ullunit 30-nit sivilisunerusumik pippat, illuatungeriit Isumaqatigiissummik atorunnaarsitsinissamat pisinnaatitaapput.
- 9.5 Pisuni allani tamani Nukissalik kalaallit inatsiseqarnikkut nalinginnaasumik Nukissalimmit akisussaatisinnaanermik pissusilersornermik iliutsit imaluunniit iliuuserinngitsuukkat Nukissallip akisussaaffigisai naapertorlugit Nukissalik akisussaavoq.

- 10. Inunnut tunngasunik paasissutissat aamma inunnut tunngasunik, atuinernut akiligassanullu paasissutissanik passussineq**
- 10.1 Isumaqatigiissut una naapertorlugu inuit pillugit paasissutissanik passussinermi Nukissalik paasissutissanut akisussaasuvoq.
- 10.2 Atuisoq inuinnartut atuisuuguni, imaluunniit atuisoq nammineq inuttut pigisamik suliffeqarfimmik ingerlatsippat, Atuisup isumaqatigiissuteqarnermi Nukissalimmut paasissutissat tulliuuttut tunniutissavai:
- (A) Ateq najugarlu (Inuit allattorsimaffiani najukkatut nalunaarsorsimasoq),
 - (B) CVR-normu, pisariaqartinneratigut,
 - (C) Normu nalunaarsugaq (normupladi) kiisalu biilip immerneqartussap qanoq ittuunera,
 - (D) Attaveqarfissanut paasissutissat, Nukissallip Atuisumik attaveqarsinnaavigisaa, aamma
 - (E) Korti akiliut pillugu paasissutissat, Nukissallip tunisaanut sullississutaanullu akiliinermi atorneqartussa.
- 10.3 Atuisoq inatsisit isaanni inuutilugu/ingerlatseqatigiiffiutillugu, Atuisup isumaqatigiissuteqarnermi Nukissalimmut paasissutissat tulliuuttut tunniutissavai:
- (A) Ingerlatseqatigiiffiup aqqa ilusaalu,
 - (B) Najugaq (suli angerlarsimaffeqarneq),
 - (C) CVR-normu, aamma
 - (D) e-mailadressi.
- 10.4 Nukissallip qinnuteqarneratigut Atuisup paasissutissat eqqortuunerat uppersarsinnaasussaavaa, soorlu sumi najugaqarnermut uppersarsaatikkut aamma/imaluunniit assitalimmik kinaassutsimik allagartakkut.
- 10.5 Nukissalik Atuisoq pillugu kiisalu Atuisup qanoq Nukissalimmik atuinera pillugu paasissutissanik ingerlaavartumik passussinissamut pisariaqartitsivoq, tassani Immiissutit aap-ilu ilanngullugit. Nukissallip paasissutissat ukununnga atorpai:
- (A) Kontonnik sullissinermut, akiliisinnaassutsimut paasissutissanik pissarsinermut imaluunniit attartornermut akiligassanillu paasissutissanik pilersitsinermut taakkuninngalu suliaqarnermut,
 - (B) Sullississutinik Atuisup atungaaniq suliarinninnermut, tassani Immiissutinik atuneq, soorlu immeeriaaseq, piffissaq immiiffik, inaallagiap annertussusaa kiisalu piffissap ingerlanerani innaallagiaq atugaq taamatullu paasissutissat immiinermut akilersuinermullu tunngasut allat,
 - (C) Siunissami sullississutinik neqeroornerit ingerlatsinerilluunniit atuisumut tunngasunik paasissutissanik passussinissamik pisariaqartitsisut, aamma

- (D) Inatsisinik malinninnissamut aamma inatsit unioqqutillugit atuinnermut pinngitsoortitsinissamut imaluunniit Isumaqaatigiissummut akerliusumi allatut atuinnermut.
- 10.6 Nukissallip isumannaallisaanermut malittarisassat atuuttut naapertorlugit paasissutissat paaqqutarisarpai, inatsisinilu piumasarineqartumit sivisunerusumik uninngatittarnagit.
- 10.7 Atuisoq imminerminut paasissutissanik Nukissallip suliarisaanut, inatsisit malillugit killiliissutit atorlugit, imminut tunngasunik takunninnissamut pisinnaatitaavoq.
- 10.8 Atuisup kortianut paasissutissap Nukissallip suliffeqarfimmit sullissisuanit Etrek, taakku pigisaat Ocean portal aqqutigalugu suliarineqartarput. Kortimut paasissutissat taamaallaat Atuisup ilaanerani atuisuunerani passunneqassapput.
- 10.9 Atuisoq nammineeirluni kortimi paasissutissanik allannguinnissamut periarfissaqarpoq. Korti pillugu tamatigut eqqortumik paasissutissiinissaq Atuisup akisussaaffigaa.
- 10.10 Isumaqaatigiissutip atorunnaareernerani paasissutissat atuisumut tunngasut nunguterneqassapput, taamaalillutillu Nukissalimmit tassungaluunniit suliffeqarfittut sullissisumit takuneqarsinnaajunnaassallutik.
- 10.11 Nukissallip kortimut paasissutissat isumannaallisaanermi malittarisassat atuuttut naapertorlugit paaqqutarisarpai, inatsisillu killiliinerannit sivisunerusumit tigummisarnagit.
- 10.12 Atuisoq paasissutissanik pisariaqartitsinermigut aqqigalliisinnaatitaavoq.
- 10.13 Atuisoq paasissutissanik katersinermut inuttullu paasissutissat suliareqqinneqarnerat pillugu akerliliinnissamut pisinnaatitaavoq. Taamaattoq taamaaliornerup Nukissallip sullissisutaasa ilaasa Atuisumut tunniunneqarsinnaajunnaarnerat nassatarisinnaavaa.
- 11. Atugassarititaasunik allannguinuq**
- 11.1 Nukissalik Isumaqaatigiissummi atugassarititaasunik allannguinnissamik allakkatigut siumoortumik qaammammik ataatsimik sioqqutsilluni qaammatip naanerani allannguinnissamut pisinnaatitaavoq. Atuisup App-mik atuinerani Nukissalik Atuisumut Nukissallip app-iatigut allannguinnermik nalunaaruteqassaaq, imaluunniit e-mail aqqutigalugu.
- 11.2 Atuisoq atugassarititaasut allannguutaannik immikkoortoq 11.1 naapertorlugu nalunaarutigineqartunik akuersiumatinnagu, Atuisoq piffissaq atugassarititaasut allanngortinneqarfiat aallarnerfigalugu Isumaqaatigiissummik atorunnaarsitsinissamut pisinnaatitaavoq.
- 12. Isumaqaatigiissummik tunniussineq**
- 12.1 Nukissalik isumaqaatigiissut una naapertorlugu pisinnaatitaaffimminik pisussaaffimminillu allamut tunniussinissamut pisinnaatitaavoq.

12.2 Atuisoq isumaqatigiissut una naapertorlugu, Nukissalik sioqqutsisumik allakkatigut akuersisimatinnagu, pisinnaatitaaffimminik pisussaaffimminillu tunniussisinnaatitaanngilaq.

13. Saaffiginninnerit maalaaruteqarnerillu

13.1 Atuisoq Nukissallip tunisaanut tunngasunik Nukissalimmut apeqquutissaqaruni, Atuisoq Nukissallip atuisunut sullissivianut sukkulluunniit saaffiginnissinnaavoq. Tamanna email nukissalik@nukissalik.gl imaluunniit oqarasuaatip normua 801150 atorlugu pisinnaavoq.

13.2 Atuisoq Nukissalimmut maalaaruteqarsinnaatitaavoq, Nukissallillu maalaarutit qaammatit pingasut iluanni suliarinissaat ilungersorluni anguniartarpaa.

14. Inatsisit najoqqutarineqartut suliarinniffissarlu

14.1 Isumaqatigiissut kalaallit inatsisaannik toqqammaveqarpoq, isumaqatigiinngissutaasinnaasullu aallaqqaammut Illuatungeriit akornanni isumaqaatigiissutiginiarneqassaaq.

14.2 Atuisoq Nukissalimmut maalaaruteqarsinnaatitaavoq, Nukissallillu maalaarutit qaammatit pingasut iluanni suliarinissaat ilungersorluni anguniartarpaa.

14.3 Illuatungeriit isumaqatigiissinnaanngippata, Illuatungeriit isumaqatigiinngissutigisaminnik Kalaallit Nunaanni Eqqartuussivimmut ingerlatsitsinissamut pisinnaatitaapput.